



太平寰宇記卷第八十六

劍南東道五

果州

閬州

果州

果州

南充郡今理南充縣

禹貢梁州之域春秋及戰國時為巴子國

秦二漢並屬巴郡即安漢縣也亦為充國之地三國志

云刘璋初分墊江已上置巴郡理此縣建安六年璋改

巴郡為巴南郡徙理閬中今郡在嘉陵江之西後魏平

蜀於今州北三十七里石苟堤置南宕渠郡其縣亦移

就郡理晉於此立巴西郡宋齊因之不改隋開皇初郡
廢以縣屬隆州仍移縣理安漢城十八年改安漢為南
充縣唐武德初猶為隆州地至四年分隆州之南充相
如二縣置東州以郡南八里果山為名又置西充岳池
二縣萬歲通天二年分南充相如二縣置岳池縣天寶
元年改為南充郡乾元二年復為果州大曆四年改為
充州十年復為果州 皇朝乾德六年割岳池縣屬廣
安軍

元領縣五

今四

南充

西充

相如

流溪

岳池

入廣安軍

州境

東西二百四十五里

南北

四至八到

東北至東京三千一百三十里

東北至西京二千七百一十里

東北至長安一千八百五十里

東至梁州二百八十里

南至合州水陸相兼三百里

西至梓州三百五十里

北至閬州三百里

東至廣安軍岳池縣界二十五里

西南至遂州一百七十五里

東北至蓬州二百十里

西北至閬州封山鎮界一百三十里

戶

唐開元戶四萬一千三百

皇朝戶主二萬三千二百四十九客六千六百三十七

風俗

與閬州同

人物

陳禪字紀山安漢人為司隸校尉

龔調字叔侯安漢人為荊州刺史

陳壽字承祚安漢人為著作郎撰三國志

閻續安漢人獨哭張華

土產

巴戟 大黃 絲布 貢 鷄父草 五月採

山大豆 八月採

已上二藥本州無名山大豆療急風寒鷄父草治婦人因產破血

南充縣 元廿二鄉 本漢安漢縣地屬巴郡宋于安漢城置南岩

渠郡隋開皇十八年改安漢為南充縣以古充國為名

。果山在州西八里層峯秀起松柏生焉郡因山為名

。車騎崖郡國志云馮車騎後漢為將於此鐫崖刊石

十有餘處是車騎將軍馮緄所治處也故後有斯名。

昆井益州記云南充縣西六十里有大昆井即古之藍

井。龍城山盤屈若龍絕壁如城。朱鳳山在州南十

里高一百七十二丈周迴二十里昔有鳳凰集因置鳳

山現今存。大斗溪在邑界。嘉陵江在州東二百步

自相如縣界流入南充界南流至合州漢初縣界。謝

真人祠唐書貞元十年謝真人名自然於縣界金泉紫

極宮白日上昇郡郭是夕有虹霓雲氣之狀真身輕奔

萬目之所覩焉

西充縣 州西九十五里元十鄉 本南充縣地唐武德四年以南充之

地繁濶故折西北之境以立此縣故曰西充取後漢西

充縣為名。西充山縣以此山為名。西溪水在縣西

源出崇礼市山。亞夫山在縣東與縣城相倚。双圖

山在縣東十里

相如縣 東北八十五里元十鄉 亦巴西縣地梁天監六年置相如縣

兼立梓潼郡於此後周郡廢縣存即漢司馬相如所居

之地因以名縣其宅今為縣治。司馬相如故宅縣南
二十里周地圖記其有相如坪相傳云相如別業在此
宅石西濱漢水藁薄鬱然其基名相如琴臺高六尺周
四十四步。龍角山在縣南高三百丈從蓬州朗池縣
界西耒。鷄卸神祠益州記云鷄卸神在相如縣以神
在鷄卸溪側故為祠號。西漢水鄴道元注水經云縣
有漢軍騎將軍馮緄桂陽太守李溫冢二子之靈常以
二月還漢水暴長郡俗於水上祭之。嘉陵江在縣東
二百步

流溪縣

西南八十五里元七鄉

本漢南充縣地唐開耀元年析南充

置縣於溪水側因曰流溪縣。龍城山在縣東六十里
與石梯山相連其形盤屈如龍絕壁如城焉。流溪水
在縣東北四十步源出遂州方義縣界下至當州北流
向東迤邐入嘉陵江。賴溪郎瀨猿溪二溪並從遂州方
義縣耒

閬州

閬州

閬中郡今理閬中縣

禹貢梁州之域春秋時為巴國之地按華

陽國志巴子後理閬中秦為巴郡地後漢建安六年劉
璋改巴郡為巴西郡自安漢移理於此蜀將張飛曾為
此郡守至李雄之亂巴郡荒蕪太守理無定處宋元嘉

八年復於此城立北巴西郡宋末除北字齊不改按地
形志云閬中居蜀漢之半當東道要衝今郡城即古之
閬中城梁天監中又於此立東梁州及北巴郡西魏廢
帝二年平蜀改為隆州取其連崗地勢高隆為郡名後
魏興畧云此州故有隆城堅隆因置隆州尋又立盤龍
郡以郡中有盤龍崗為名隋開皇中郡廢而州存兼改
閬中為閬內縣大業初州廢併其地入巴西郡唐武德
元年改為隆州領閬中南部蒼溪南充相如西水三城
奉國儀隋大寅十縣其年又立新井思恭二縣四年以
南充西水屬果州儀龍大寅屬蓬州又置新政縣七年

又以奉國屬西平州真觀元年還以奉國來屬又省思
恭入閬中縣先天元年避玄宗諱改為閬州取郡西南
閬山為名天寶元年改為閬中郡乾元二年復為閬州
按十道錄云果閬二州貞觀中屬建南道開元中又屬
山南道天寶中屬劍南道乾元中又屬山南道若據地
勢言之且嘉陵江既在劍門之外流歷果閬合三州而
合涪江且三州同是漢巴郡之地以山川論定合屬山
南道後唐天成四年升為保寧軍節度皇朝改為安德
軍

閬中

晉安

新井

蒼溪

新政

西水

秦國

南部

岐坪

州境

東西二百四十九里

南北二百六十三里

四至八到

東北至東京二千九百六十里

東北至西京二千四百一十里

東北至長安一千五百五十里

東至蓬州三百里

東南至果州三百里

西至劍州三百里

北至利州二百九十里

東南至果州三百六十四里

西南至遂州二百七十里

西北至梓州二百一十五里

西北至劍州二百里

東北至巴州二百八十里

戶

唐開元戶一萬八千二百

皇朝戶主二萬一千七百四十六客二萬二千二百三

風俗

與果州同

人物

譙隆字伯司閬中人景帝時為上林令武帝欲廣苑囿隆固諫遷成臯令

洛下閬字長公閬中人隱於洛亭武帝徵待詔太史改造大初曆閬曰後八百歲此曆差一日當有聖人出定之

土產

獠布

當歸

重蓮綾

絹

段氏蜀記云果閬二州絹長五十丈重一斤其色目鮮白

閬中縣

旧十八鄉 今十二鄉

本漢旧縣華陽國志云周順王五年秦

惠文王遣張儀司馬錯伐蜀因取巴王以歸分其地為三十一縣此城為閬中縣閬水迂曲經其三面縣居其中蓋取為縣名。仙穴山在縣東北十里周地圖云雲山峯多雜樹昔蜀王驚灵帝登此因名灵山東南隅有五女擣練石山頂有池常清有洞穴懸絕微有一小涇通旧名灵山天宝六年勅改為仙穴山。嘉陵水又名

西漢水又名閬中水周地圖云水源出秦州嘉陵因名
嘉陵經閬中即閬中水。閬中山其山四合於郡故曰
閬中按名山志云閬中山多仙聖遊集焉。盤龍山李
膺益州記云閬中盤龍山南有一石長四十丈高五尺
當中有戶及扇若人之掩閉故老以為玉女房。閬中
亦曰閬江亦曰渝水按譙圖三巴記云閬中有渝水賓
民銳氣喜舞故高祖樂其猛銳數觀其舞使樂人習之
故樂府中有巴渝舞即名因斯地始。彭道將池郡國
志云彭道魚池在州面南四夷述云州東南池東西二
里南北約五里州城西南十里有郭池州約五十畝二

池與漢志注相符。充國故城西南九十四里即今新
井縣東北二十八里充國故城是也其城東北去州六
十里李雄亂後其城荒廢。張飛冢在刺史大廳東二
十步高一丈九尺

新井縣

西南九十里
元十九鄉

本漢充國縣地武德元年割南部晉

安兩縣置縣界頗有塩井因斯立名。西水北自晉安
縣入南流經縣東又東南入南部縣

晉安縣

西七十里
二鄉今十鄉

本閬中縣地晉立巴郡於閬中析

此置晉安縣按四夷縣道記梁於此置金遷戍周閔帝
改為金遷郡仍置晉安晉城西水三縣以屬焉郡理晉

安隋開皇三年罷郡仍省晉安縣自今縣東十四里移
晉城縣於晉安旧理唐武德元年改晉城為晉安縣即
今理也。忠山在縣東五里。西水上源由京兆水西
自西水縣界流入東南入新井縣界

新政縣

東一百四十里
依旧十鄉

本漢充國縣地唐武德四年割相如

南部二縣置新城縣後以隱太子諱改名新政縣。龍
奔山在縣東二十六里。嘉陵江在縣東十里南流。
西水在縣東三十五里東南流入嘉陵。總角山在縣
東南六十里山峯如女郎之總角

蒼溪縣

東南五十七里
依旧十三鄉

本漢閬中縣地後漢永元中於今

縣北巴岳山側置漢昌縣宇文周以縣屬閬州四年移
理曲肘州即今縣是也十八年改漢昌為蒼溪縣因縣
界昌溪谷為名。雲臺山一名天柱山在縣東南三十
五里高四百丈上方百里有魚池宜五穀無惡毒可度
災周地圖云漢末張道陵在此尋道使弟子王長趙昇
投身絕壁壑以取仙桃長等七試已訖九丹遂成隨陵
白日昇天。白鶴山在邑界。嘉陵江在縣東一里東
南流。東水一名宋熙水西北自利州界來南流經縣
東四十里又東南流入閬中縣界

西水縣

西一百二十里
依旧十五鄉

亦閬中縣地梁大同中於今縣西

北三十五里置掌夫戍後魏廢戍後周閔帝元年改為西水縣以界內西水為名大業元年移於今理。掌夫山在縣西北三十五里。西水北自劍州界耒東南入晉安縣界

奉國縣

東北九十四里舊一十五鄉今四鄉

本漢閬中縣地屬巴郡梁武帝

始於此立白馬羨陽二郡後魏恭帝二年廢羨陽郡改為奉國縣屬白馬郡始於此地附於魏故以奉國為名隋開皇三年罷郡以縣屬閬州。方山在縣西北三十五里。和溪水一名護溪水自利州羨清縣界流入南流經縣東又南入閬中縣界。天目山在縣東十五里

又名天溪洞葛仙宮公修道之山赤烏七年勅置集靈

觀先天二年改名天目觀中和三年改為福唐觀

南郡縣

東南七十里舊十四鄉今十二

亦充國縣地梁於此置南部郡後

周閔帝元年罷郡立南部縣屬盤龍郡以地居閬中之南改曰南郡隋開皇三年罷郡以縣屬閬州。九子山一名九龍山在縣南七十里。嘉陵江在縣東南一里東南流。西水在縣西南十里入東南流

岐坪縣

東北一百二十四里依四鄉

本漢葭萌縣地屬葭萌為漢壽晉

又改為晉壽宋分晉壽於此立宋安縣屬宋熙郡後魏廢帝三年改宋安為岐坪隋開皇三年罷郡以縣屬利

州開元二十三年割屬閬州。岳陽山在縣東十五里。陽門山在西二十里。東水北自利州胤山縣界流入南流經縣。鑿水在縣東北四十五里源自利州葭萌縣界南流經縣入蒼溪縣界合東江水。

太平寰宇記卷第八十六

太平寰宇記卷第八十七

劍南東道六

遂州

普州

遂州

遂州遂寧郡今理小溪縣禹貢梁州之域漢高置廣漢郡今州又為

廣漢縣地屬益州部後分廣漢縣於此置德陽縣東晉分置遂寧郡屬益州蓋德陽之舊壘也西北接涪縣東鄉之橫山東極之青石与巴郡為界譙縱亂後移於石坪蓋其地多獠官長力弱不相威攝宋太始五年

刺史劉亮表分遂寧為東西二郡梁因之後周武帝廢郡始置遂州尋又置吳西郡隋初廢郡州存煬帝廢州又為遂寧郡唐武德元年改為遂州領方義長江青石三縣二年置總管府管遂梓資普四州貞觀初罷總管十年復置都督府督遂果普合四州十七年罷都督府天寶元年改為遂寧郡乾元二年復為州昔廣漢郡有冤鬼為害後漢陳寵為太守遂收枯骨葬之冤鬼遂絕皇朝為武信軍節度

領縣五

小溪

蓬溪

長江

青石

遂寧

州境

東西一百一十九里

南北

四至八到

東北至東京三千八百里

東北至西京二千八百八十里

東北取果州路至長安一千八百四十三里

東至果州流溪縣界四十里

西至普州樂至縣界七十九里

南至合州銅梁縣界一百二十里

北至梓州二百五十里

東南至合州二百六十里

西南至普州一百四十里

東北至果州西充縣界九十四里

西北至梓州飛鳥縣界九十五里

戶

唐開元戶三萬五千六百三十

皇朝戶主二萬二千四十七客一萬六千六百三十四

風俗

人物無

土產

擣蒲綾

篔子

荃根

鞞鞋

紫葛根

交讓木

葉似槐

小溪縣

旧二十鄉今十四鄉

本晋小溪縣地穆帝永和十一年置屬

遂寧郡後魏恭帝二年改為小溪為方義縣 皇朝太

平吳國三年復為小溪縣。銅盤山壁立四絕人莫能

上故曰銅盤山。鄧艾廟伐蜀有大功死葬此郡有祠

存。鶴鳴山在州東北二十里上有古觀松上嘗有皓

鶴鳴淚。尋香山在州東二十里本名血腥山刺史白

子昉改為尋香山。龍頭山在州東五十里山有石勢

如龍頭唐乾元二年奏置龍歸寺。奴厥山在州西五

十里本名屈山唐景雲年中改為奴厥山。梵雲山在州西南二里三面縣絕東臨涪水西枕落星此。滄唐江今名大素江。灵星池在縣西北四里益部耆旧傳云趙瑤為閬中令時西州遭旱瑤率掾吏齊戒於灵星池歸咎自責稽首流血應時大雨即此也。龍池故老相傳池側有柳樹大十圍周武帝天和初有龍自樹升天士女共覩之自龍升後其樹乃枯池亦淺竭。北流溪今名流溪

長江縣北五十里本東晉巴興縣穆帝永和十一年置屬遂寧郡後魏恭帝改巴興為長江縣以界內大江為名

即涪江也唐上元二年以旧縣不安移在明月山下鳳凰川。明月山在縣西二里。庙山在縣南十里其山

孤峯峻秀下臨江島唐乾元七年勅置南龍臺觀

蓬溪縣東北一百二十里本漢廣漢縣地唐開元二年置

唐吳縣於此天宝初改為蓬溪縣取邑內蓬溪為名。

七弟崔山在縣西南一十五里有崔七堵鱗次相連比之兄弟。賓王山在縣西四十八里古名賴王山大曆十四年度支使牒管內山川有賴字者並改易刺史盧幼平改為賓王山

青石縣東南七里旧十一亦廣漢之地東晉孝武帝於此

立為晉吳縣宋因之後魏武帝改為始吳縣隋改為青石縣以界內有青石為名。青石山有祠甚嚴九州要記云此山天下青石無佳於此可為鐘磬郡國志昔巴蜀爭界歷歲不決漢高八年一朝密霧山為之自裂從上至下開數尺若引繩以分之於是始判其山高九丈遂為二州之界巴蜀之民懼天謫罰乃息所爭因共立祠民將採石必先祀之。九節溪源出縣東二十九里九節嶺李膺記嶺有九節故也。珠玉溪地有珠玉村因名。風門山在縣東三十里四面峻巖常有清風因號風門山。鄧艾墓華陽國志曰艾征涪陵見玄猿緣

其山艾性好弩手自射猿中之猿子拔其箭卷木葉塞其創艾嘆曰吾傷物之性其將死矣見此山美之遂後葬焉

遂寧縣 西北一百二十里 本廣漢郡地景龍元年置縣取

郡名以稱邑 二山在邑內

普州

普州 安岳郡今 禹貢梁州之域漢武置十三州在益州之

部今州境即漢之資中牛鞞墊江後漢之德陽等四縣之境資中今資陽縣墊江今合州石鏡縣是也德陽遂州方羨是也李雄亂後為獠所沒梁置普慈郡于此梁

普通中益州刺史臨汝侯賜群獠金券錢書其文云今為汝置普慈郡可率屬子弟奉官租以時輸送周武帝建德四年于郡立晉州隋煬帝初州廢併其地入資陽郡唐武德二年分岳州之安岳隆康安居普慈四縣置普州三年又置樂至隆龕二縣天寶元年改為安岳縣乾元七年復為普州

元領縣六

今四

安岳

安居

樂至

普康

本隆康改

二縣廢

崇龕

今隆龕今改併入安居

普慈

併入樂至

州境

東西三百十九里

南北四百四十里

四至八到

東北至東京三千四百四十里

東北至西京三千二十里

東至昌州大足縣一百五十里

東北至長安二千一百六十里

南至資州三百七十八里

西至簡州一百八十里

北至梓州飛鳥縣界一百八十里

東南至合州銅梁縣界二百九十里

西南至資州盤石縣界一百八十五里

東北至遂州一百四十里

西北至簡州陽安縣三百十里

戶

唐開元戶二萬五千六百

皇朝戶主一千三百六十六客一萬三千一百四十四

風俗

與遂州同

人物無

土產

葛

梅

杏

安岳縣

旧十一鄉今七鄉

漢犍為巴郡地資中牛鞞墊江三縣地

李雄亂後為獠所挾梁招撫之置普慈郡後周建德四

年與州同置隋省州唐武德二年復置安岳縣本以邑

地在山之上四面險絕故曰安岳。灵居山在縣南七

里。多岳山在縣南二里。金羊山在縣西五里

安居縣

北七十里旧八鄉今二鄉

本周柔剛縣屬安居郡周武帝建德

四年置隋開皇十三年改柔剛為安居旧理柔剛山唐

天壽二年移理張柵。柔剛山在縣東二十步。龍魚

山去縣一百四十里。奴鷄山去縣六十里與合州銅梁縣分界。廢崇龕縣在州東南一百里後周置隆龕。成隋為隆龕縣。舊治整瀨州。唐久視元年移治波羅川。先天元年改為崇龕縣。皇朝併入安居縣。隆龕山在縣西二里。奴雲山在縣南十里。軍山在縣東二百二十里。八角山在縣東三十里。

普安縣

南五十里 舊四鄉 今四鄉

周武帝建德四年置永康縣屬普安郡。隋開皇三年罷郡縣屬普州。十九年移居伏疆鎮。改為永康。又以縣重名改為隆唐縣。犯唐玄宗御名改為普康。乾峨山其山四面嗟峨。

樂至縣

西一百里 舊四鄉 今四鄉

本周車免鎮。唐元德三年於鎮置樂至縣。因樂至池為名。改鎮為戍。天卹山在縣北三里。玉女山在縣南一十五里。官祿山在縣東二里。廢普慈縣在縣西一百里。本名多葉縣。周武帝建德四年置。隋開皇十三年改多葉為普慈。皇朝併入樂至縣。大婆、山在縣四十里。小婆、山在縣北三十里。奴南山去縣六十里。

太平寰宇記卷第八十七

太平寰宇記卷第八十八

劍南東道七

瀘州 富順監

昌州

瀘州

瀘州

瀘川郡今理瀘川縣

禹貢梁州之域春秋戰國時為巴子國秦

為巴郡漢為犍為郡之江陽符造二縣後漢因之晉於

此立為江陽郡宋齊因之梁大同中置瀘州遠取瀘州

為名華陽國志云瀘川縣本漢江陽是昔漢光武微時

過江陽生一子望氣者言江陽有貴兒王莽求之縣人

殺之後光武怒為子立祠謫江陽人不使冠帶按郡地
則江山所合故水經注云綿水至江陽縣方山下入江
謂之綿水口隋煬帝時州廢置瀘川郡唐武德元年復
為瀘州領富世江安綿水合江耒鳳和義六縣武德元
年置總管府管一州九年省耒鳳縣貞觀元年置思隸
思達施陽三縣二年置隆越縣榮州八年割和義屬榮
州仍置涇南縣又省施陽縣十三年省思隸思達二縣
十七年置溱珍二州儀鳳二年又置晏納奉浙鞏陰六
州載初六年置順州天授元年置思峨州久視元年置
涪州大足元年置能州並屬瀘州都督凡十州天寶元

年改為瀘川郡依旧都督乾元二年復為瀘州

皇朝乾德五年并綿水縣入江安縣割富義縣為富順
監

元領縣六 今三

瀘川 江安 合江

一縣割出

富順 為監

二縣廢

綿水 併入江安

州境

涇南 旧廢入

東西四百七十八里

南北五百六十三里

四至八到

東北至東京水陸四千一百九里

東北至西京二千八百二十里

西沂流至資州六百三十里自資州陸路至長安二千

三百三十里計二千九百六十里

東至渝州七百六十里

南至土納州都寧縣界三百二十里

西至戎州三百二十里

北至合州五百四十里

東南至土納州四百五十里

東南至戎州南溪縣界一百七十七里

西北至榮州四百六十里

東北至渝州萬壽縣界二百九十里

戶

唐開元戶一萬六千五百九十四

皇朝管漢戶主二千四十七獠戶二千四百一十五

風俗

地無桑麻每歲畬田刀耕火種其夷獠則與漢不同性
多獷戾而又好淫祀巢居岩谷因險憑高着班布擊銅

鼓弄稍刀男則露髻跣足女則推髻橫裙夫亡婦不歸
家葬之崖穴刻木為契刺血為信啣冤則累代相酬之
用則鬻賣男女其習俗如此

人物

侯馥不屈李雄者 漢光武微時過江陽有一子望氣
者言江陽有貴兒縣人殺之光武後為立廟謫江陽人
不使冠帶

土產

大黃

杏仁

班布

花竹簾

茶

按茶經云瀘州之茶樹夷獠常携瓢穴其側每登樹採
摘芽茶必含於口待其展然後置於瓢中旋塞其竅歸
必置於暖處其味極佳又有麓者其味辛而性熱彼人
云飲之療風通呼為瀘茶

瀘川縣

元八

本漢江陽縣地屬犍為郡蜀志曰魏武入漢

中諸葛亮出屯江陽是也隋大業元年改江陽為瀘川
縣。汶江水漢書地理志云汶江出徼外從江安縣西
南入縣界東流入合江縣界。支江水從富義縣鴛鴦
池屈曲方至城下與汶江合流。赤水溪從昌州昌元
縣界流入去合支江。瀘江按郡國志泸江水中有大

關為季春三月則黃龍堆沒關即平王龍堆者昔尹吉甫子伯奇至孝後母譖之自投江中衣苔帶藻忽夢見水仙賜其美樂揚声悲歌舡人學之吉甫聞舡人之声疑似伯奇援琴作子安之操在此。瀘津関有瀘峯高三千丈地多瘴氣若三四月經之必死非時犹令人悶吐若五月上旬渡之即無害故諸葛亮五月渡瀘是也

合江縣

東一百二十里元三鄉

本漢符縣地梁於安樂溪置安樂戍

於此周武帝保定四年改為合江縣唐元和十二年移於旧縣以便水陸貨遷之宜從東川節度李逢吉之請也。樂溪水從牂牁生獠界流來八十里與汶江水合

。安樂山在縣東五里八十步群峯峭峻有瀑布千尺飛流天室六年勅改為合江山

江安縣

西南五十里旧五鄉今九鄉

本漢江陽縣晉中興書云穆帝永

和二年漢安獠反攻郡县又置漢安縣於此隋開皇十八年改漢安為江安。納溪水源從牂牁生獠界流來入汶江。方山唐天寶六年敕改為迴峰山在縣東二十里山形八角。麋綿水縣在漢江陽縣地晉置綿水縣在綿水溪口因以為縣。皇朝乾德五年併入江安縣。悅州江水從戎州部落悅州流下縣界。思晏江水從晏州流下合流至綿水。廢涇南縣唐貞觀八年

分瀘川縣置在涇水之南今廢入瀘州縣按峽程記云
瀘合遂蜀四郡皆峽之郡自蠻江措栢池導守江至此
二百八十江會于峽前次荆門都四百五十灘即有清
水重峰湖灘漢灘忽雷閃電吐灘瀨灘狼尾使君主簿
灘皆使君主簿沈舟之所遂以為名其他不悉謂之三
峽者即明月峽巫山峽廣澤峽其有瞿唐灩澦鷲子屏
風之類皆不預三峽之數

元管溪洞羈縻州一十六計縣五十六

一州割入戎州

扶德州唐開元十八年七月割入

領縣三

扶德

宋水

柯陰

二州連接黔府及栢在生蠻承前不輸稅課

能州唐大定元年置

領縣二戶一十二

曲水

甘泉

浙州唐儀鳳二年置

領縣四戶二十四

浙源

越賓

洛州

鱗山

四州輸納半稅其州在邊徼溪洞不伏供輸

納州鳳儀二年開山洞置天寶元年改為都寧郡乾元五年復為納州

領縣七 戶一百六十八

羅圍 播羅 施陽 羅當

羅藍 都寧 羅掌

藍州儀鳳二年置

領縣一 戶五十一

胡茂

順州載初二年置

領縣四 戶五十九

曲水

順山

雲巖

來猿

宋州

領縣四 戶六十九

柯龍

柯支

宋水

盧吾

九州在溝井監供輸紫竹

高州

領縣三 戶二十一

柯巴

移甫

徒西

奉州儀鳳二年置

領縣三

戶三十九

柯理

犯巴

蓬羅

思峨州天授元年置

領縣二

戶三十七

多溪

洛溪

薩州儀鳳二年招生獠置天寶元年改為黃池郡乾元
年復為薩州

領縣三

枝江

黃池

播陵

晏州儀鳳二年開生獠置天寶元年改為羅陽郡乾元
年復為晏州

領縣七

戶七十七

思峨

柯陰

新賓

扶來

哆峒

羅陽

思晏

長寧州領縣四 戶三十八

婆員

婆居

青廬

羅門

鞏州儀鳳二年開山河置天寶元年改為因忠郡乾元
年復為鞏州

領縣五

戶十五

哆撻

比永

都善

播郎

波娑

涪州久視元年置

領縣二 戶十五

新定 固城

定州領縣二 戶十六

支江 扶德

富順監

富順監晉富世縣以縣下有鹽井人獲厚利故曰富世唐貞觀二十三年改為富義縣按井深二十五尺鑿石以達鹽泉口俗謂之玉女泉華陽國志云江陽有富義疆井以其出鹽最多商旅輻輳言百姓得其富饒故名也

皇朝乾德四年割為富順監其縣廢

監境

東西一百九十里 南北二百一十里

四至八到

東至東京四千七十里

東至西京三千六百七十里

東至長安二千八百七十里

東至昌州昌元縣二百四十里

西至榮州公井縣一百三十里

南至瀘州瀘川縣二百八十八里

北至榮州和義縣一百二十里

東南至瀘州瀘川縣二百八十八里

西南至戎州南溪縣二百四十里

東北至榮州和義縣一百二十里

西北至榮州公井縣一百里

戶

舊戶瀘州籍

皇朝戶主二千二百九十八客三千一百二

風俗

同瀘州

管鹽井大小六井歲出鹽貨三十餘萬貫。鷄足山在城

東隔水三里。同心山在城五里

昌州

昌州昌元郡今理昌元縣唐乾元二年左拾遺李昂祚奏以山川濶

遠請割瀘普渝資榮等界地置昌州至二年張朝揚琳

作亂為兵火所廢大曆十年西川節度使崔寧奏復置

以禦蕃戎旧理賴婆溪南以昌元縣為倚郭景福元年

移就大足縣即今理

元領縣四

今三

大足

昌元

永川

一縣廢

靜南 分八三縣

州境

東西三百六十里

南北三百二十里

四至八到

東北至東京三千八百三里

東北至西京三千七百里

東北至長安二千三百里

西至資州二百三十里

東至合州一百八十里

北至普州三百六十里

南至瀘州七百二十里

東南至渝州七百二十里

西南至榮州三百七十里

西北至資州四百十里

東北至普州四百里

戶

唐管戶一千一百九十

皇朝戶主一千一百八十客一萬二千七百

風俗

無夏風有獺風悉住叢菁懸虛構屋號閣攔男則蓬頭
跣足女則椎髻穿耳以生處山水為姓名以殺為能事
父母喪不立几筵

人物無

土產

班布 筒布 今貢絹

大足縣今三鄉一鄉本合州地與州同置以界內大足川為名
今理在河樓湍東臨赤水。赤水溪源從普州安居縣
界來。牛鬪山在縣東南八十里山長三百里崖石峻
巖有双峰对立如牛之狀。望鄉山在縣西北四十里

於眾山中最高可以望鄉

昌元縣西一百里與州同置東接賴婆溪。井九山在

縣南一百五十里側有鹽井土人呼為井九山。賴婆
溪在縣南五十步源自靜南縣來多有石磧不通舟行
因賴婆村為名旧為州所理。賴按山在縣南九十里
四面懸絕大曆四年在山上置行州

永川縣東一百五十里本渝州璧山縣地與州同置枕候溪

水山川濶遠因名永川縣 鐵山在縣南八十里其山
出鐵。綾錦山在縣南一百里山水之花木如錦。候
溪在縣西南一百八十里。廢靜南縣在州西五十里

與州同置西接龍溪地名靜南填因為縣名以地荒民
少皇朝併入大足等三縣。銅鼓山在縣北八十里。
綾波羅山在縣西三十里。始龍溪在縣東七十五里

太平寰宇記卷第八十八

校勘

瀘州 德序

華陽國志云瀘州縣本漢江南陽是

按華陽國志有江陽郡無此文惟瀘州縣圖經有
之今記承誤耳又光武生子事見華陽國志水經
皆與此文小異

仍置涪南縣

按通典新唐書地理志與今圖經皆云涪南惟旧
唐書志與今記作涪未知孰是今因之以存疑

瀘川縣 總序

蜀志曰魏武入漢中諸葛亮出屯江陽

按三国志建安二十年先主已得益州聞曹公定漢中與孫叔連和諸葛亮傳及華陽國志皆不載亮屯江陽事惟今泸州圖經與今記合莫詳所擬况聞曹公定漢中而出屯江陽絕無謂必謬誤元管溪洞羈縻州一十六按旧唐書地理志都督十州新唐志增四州今記與圖經管十六州比新志又增扶德州藍州皆未知孰是

能州

領縣二

按新旧唐志能州四縣長寧耒銀菊池猿山今記止兩縣又縣名皆與志不合而與今圖經同未知孰是

納州

領縣七

按今記領縣七圖經領縣六新旧唐志領縣八其四書同者曰羅圍曰播羅曰施陽曰羅藍曰都寧凡五縣今記與新旧唐志皆有而圖經所無者曰羅當今記與圖經皆有而新旧唐志所無者曰羅掌新旧唐志所有而今記圖經皆所

無者曰都曰胡茂然今記及圖經自別藍州領
縣一子曰胡茂而新旧唐志無藍州皆未知孰
是

順州

領縣四

按新旧唐志順州領縣五今記無龍池縣與圖
經同未知孰是

濟州

領縣二

按新旧唐志濟州領縣四新定濟州固城居牢今

記無濟州居牢二縣與圖經同未知孰是

太平寰宇記卷第八十九

江南東道一

潤州

潤州 丹陽郡今禹貢揚州之域春秋時屬吳謂其地為朱

方左傳云齊慶封奔吳與之朱方是也至魯哀二十二

年吳為越所并地復屬越楚靈王使屈申圍朱方執慶

封其地屬于楚秦并天下為會稽鄞二縣之境按吳地

志云自句容以西屬鄞郡以東屬會稽郡漢初為荊國

故荆王劉賈所都之地今郡城中有賈墓尚存至吳王

濞誅以其地併入江都國武帝又分屬丹陽會稽二郡

之地後漢吳丹陽二郡地按後漢建安十四年吳孫權
自吳徙都于京口十六年遷都秣陵復于京口置京督
以鎮焉又吳志云京督所統蕃衛尤要是以為重鎮後
為南徐州置刺史鎮下邳而京城有曲局其後徐州或
鎮盱眙或鎮姑孰皆置曲局于京口晉平吳又為毗陵
丹陽二郡地兼置揚州元帝渡江都建康改為丹陽尹
爾雅云絕高為京其城因山為壘緣江為境因為之京
口宋因置南東海郡及南徐州而揚州如故齊梁以後
並因之至陳六代常以此地為重鎮隋平陳因廢南徐
州以為延陵鎮移名于京口為延陵縣屬蔣州開皇十

五年罷延陵鎮以蔣州之延陵永年常州之曲阿三縣
置潤州于鎮城蓋取州東潤浦以立名焉大業三年廢
為江都郡之延陵縣唐武曷三年杜伏威歸國置潤州
于丹徒縣改隋延陵縣為丹徒移延陵還治故縣屬蔣
州六年輔公祏反復掘其地七年賊平又置潤州領丹
徒縣八年廢簡州以曲阿來屬九年揚州移理江都以
延陵句容白下三縣屬潤州天寶元年改為丹陽郡乾
元元年復為潤州永泰後常為浙西道觀察使理所
皇朝為鎮江軍節度

丹徒

延陵

丹陽

金壇

二縣割出

上元

州入昇

句容

州入昇

州境

東面一百十里

南北一百六十二里

西至八到

西北至東京一千四百里

西至西京一千八百二十里

西至長安二千六百七十里

東至常州一百七十里

南至宣州四百五十里

西至揚州六合縣四百五十三里

北渡江至揚州六十三里

東南至長州一百九十六里

西南至昇州一百八十里

西北隔江至揚州一百八十里

東北至揚州界四十五里

戶

唐開元戶五萬四千五百

皇朝戶主一萬六百四十七客一萬五千九百

風俗

吳越之君皆好勇故其人至今好用劍輕死易登白永
嘉南近斯為帝鄉人性礼讓謹謹亦驕奢淫逸婚嫁喪
葬祿用周漢之理

丹陽郡出四姓

許佐甘紀

人物

檀道濟高平金鄉人世居京口

唐桓彥範潤州曲阿人以誅張易之功拜絳州刺史

扶陽郡王

玉產

貢方紋綾

水波綾

羅綿絹

丹徒縣

今曰二鄉

春秋吳朱方之邑漢為丹陽縣地吳錄

地理云朱方後名谷陽秦望氣者云其地有天子氣始
皇使赭衣徒三千人鑿長坑敗其勢改名丹徒書曰丹
徒具屬會稽郡續漢書郡國志云屬吳郡吳大帝嘉禾
三年改丹徒為武晉太康三年復為丹徒南徐州記云
京口先為除陵其地蓋丹陽縣之西鄉京口里也。高
歲樓京口記云晉王恭為刺史改創西南樓名萬歲樓
由北名芙蓉樓之最高也至今存焉又按地輿志云

俗傳此樓飛向江外以鉄鎮摩之方已。北固山在縣
北一里南徐州記云城西北有別嶺斜入江三面臨水
号云北固劉楨京口記云回嶺入江懸水峻壁曰北領
作固字梁高祖云作鎮作固誠有其語然北望海口夏
為北觀以理而推改為領望之領輿地志云天景清明
登之望見廣陵城如在青霄中相去鳥道五十餘里。
蒜山在縣西北三里晉安帝時海賊孫恩戰士十萬至
蒜山宋武帝爭無一旅橫擊大破之即此也山生洋
蒜因以為名。高驪山在縣西南七十里梁武帝輿駕
東行記云有覆船山酒甕山南次高驪山傳云昔高驪

國女來此東海神乘舩致酒禮聘之女不肯海神捲舩
覆酒流入曲阿湖故曲阿酒美也又搜神記云諸葛恪
為丹陽尹出獵于兩山之間忽見小兒乎莫之識參佐
問之曰此事在白澤國曰兩山之間其精如小兒名曰
倭囊中成服其博識。京峴山梁典云武帝望京峴山
盤紆似危據其石為龍目二湖也。譙山戍即海口戍
也。伊婁河開元二十二年潤州刺史齊奔以潤州北
界隔江為限每舩繞瓜步江沙尾迂迴六十里多為風
濤所損臣請于京口埭下直截渡江二十里開伊婁河
二十五里即達揚子縣無風水之災歲收利有億并立

伊婁埭自是免漂損之灾。○西浦南徐州記云京口舊
名項口異苑云交州阮郎晉永和中出都至西浦泊舟
見一青衣女子云杜蘭香遣信託好君子即愕然云蘭
香已降張石何以敢尔女曰見君年命不脩必遭凶厄
欵聞姿德志相存益即弯弓射之即馳牛奔轍軒遊霄
漢後尋被害也。○魯肅墓緝搜神記云王伯陽者家在
京口東有大冢傳是魯肅墓伯陽妻卒乃平其墳以葬
焉經數年忽一日伯陽方在所事中見一人乘肩輿從
者數十輩遙前怒詆伯陽曰我魯子敬也冢在此二百
許年君君何敢輒相毀坏因目左右與之毒手從者遂

牽下伯陽以力環築之數百而去登時即死良久乃蘇
其環築處遂皆瘡疽爛尋卒焉。○京口水干室晉記魏
文帝臨江漢曰嗟乎固天所以限南北也。○甘露寺在
城東角土山上下臨大江清明軒檻上見揚州歷詩
人多苗題唯靈肇云地從京口折山到海門迴張祐云
日月光先到江山勢尽來周朴云幾連揚子霧独倚潤
州城孫紂云地拱千尋險天重四面青。○金山淨心寺
在城東南揚子江按圖經云本名浮玉山曰頭陀開山
得金故名金山寺詩人多苗題張祐云一宿金山頂微
茫水國分僧歸夜無月龍出曉堂雲樹影中流見鐘声

兩岸聞因悲在朝市終日醉醺。孫舩云鳴櫓妨僧夢
驚濤濺佛身以上二寺為江水之勝絕復有名人篇什
故編之。武烈帝廟在具東南一里隋司徒陳果仁也
偽唐冊為武烈帝其靈可畏。黃鶴山在縣西南三里
宋高祖丹徒人潛龍時常遊竹林寺每息于此山常有
黃雀飛舞因名黃鶴山後改竹林寺為雀林寺。招隱
山在具西南七里梁昭明太子曾遊此山諱書因名招
隱山今石案石跡猶存見有甬跑泉及玉藁樹唐李德
裕在任作記石存。白兔山在縣東南一十五里
延陵縣南一百里曰十鄉今十五鄉本漢曲阿縣地晉太康二年分曲

阿之延陵鄉以置也隋移治丹徒唐武德三年移於今
理此非古之延陵地古延陵即今常州晉陵具也。勾
曲山一名茅山在縣西南三十里茅君內傳云山形曲
折似勾字故名勾曲古名岡山孔子福地記岡山之間
有三茅仙人住是洞鹿北門人能辟兵周時名其原津
為勾曲之穴秦名勾金之壇山本無名因茅君以為名
南徐州記云山內有靈府洞室七重九源交通四方外
有五穴南二東西北各一吳興記云此山洞室地道交
通五岳南徐州記云洞天三十六所勾曲為第八名金
壇華陽之洞茅盈之祖曰濛先於此清身厲行許為東

卿後天皇來授司命策書以登羽車伏紫旄之節駢駕
在帛浮雲而去茅山記云此洞昔東海青童乘鶴飛
輪車來此山輪迹見在東海山嶺上○延陵季子廟在
縣東北九里史記云吳王壽夢之少子太康地志云吳
封季札州來而居延陵故曰延州領野王云吳自有延
州來此地先已封季子非楚州來邑也祠前有泮井四
所○梁簡文帝陵有麒麟碑尚存陵有港名曰蕭港直
上陵口大河去縣二十五里○肅昭冢吳書云昭字和
嗣墓在縣西南去縣七里○周氏墓在縣西六里○包
氏墓在縣後一里

丹陽縣

東南六十二里曰四
十鄉今二十里

本漢曲阿縣地舊名雲陽屬會

稽郡史記云秦始皇改雲陽為曲阿按輿地志曲阿

雲陽地屬朱方南徐之境秦有史官奏東南有王氣在
雲陽故鑿北岡截其道以厭其氣又吳錄云截直道使
曲故曰曲阿漢封荆賈為荆王遂為荆國地立六年為
黠布所殺國廢至景帝四年以曲阿屬揚州王莽又
改曲阿為夙美且梁改為蘭陵縣唐武曩二年置雲州
五年改為簡州以崔順為刺史八年州廢為且復隸潤
州天寶元年復為丹陽縣以邑界楊樹生丹以為名故
今字從木為稱○後湖亦名練湖在縣北一百二十步

南徐州記云晉時陳敏所立諸林曰晉太傅褚裒遊於湖狂風忽起船欲傾褚公已醉乃云此船人皆無可以招天譴者惟有孫興公多塵埃正當以厭天災耳輿地志云曲阿出名酒皆云後湖水所釀故醇冽也今按湖水永丹徒高驪覆舟山馬林溪水水色白味甘輿地志云練塘陳敏所立遏高陵水以溪為後湖又丹陽記云吳孫皓寶鼎元年丹陽宣蹇之毋年八十因浴化為鼃○天子道澶賈山上書奉為馳道于天下東方燕奔南極吳楚即此道也

金壇縣

東南一百四十四里
鄉今二十四鄉

曰本澶曲阿具延陵之鄉春秋

為吳之地按輿地志云秦漢屬會稽郡後漢屬吳郡晉元帝時屬毗陵郡宋齊梁陳皆為延陵之南界隋平陳以隸蔣州開皇十五年廢蔣州延陵移于京口之地劉置于金山府大業末亂鄉人相保立為金山縣隋亡沈法真竊披江表仍于此置琅邪縣唐武德二年李子通破法真改琅邪為茅丘縣亦隨隸其年九月杜伏威為吳王縣名不改五年四月伏威入朝後具陷輔公祐七年三月趙郡王孝恭討平之其八月于石頭城置蔣州地又屬趙八年併入延陵具垂拱四年以人物縣廣復立金山縣又以東陽郡已有金山縣故改名金壇取邑

界勾曲之山金壇之陵以為号按河圖云乃有地肺土
良水清勾曲之山金壇之陵又真誥曰其地肺似洛中
北却山水似長安丹凤門外井泉之味今按其地爽嶺
水深土厚歷選江東及之者鮮矣○茅山在縣西六十
五里○方山在縣西南四十五里○大桎山在縣南五
十里舊名小桎山○思湖在縣南六里○長塘湖在縣
南三十里○高湖在縣北一十二里灌田一十二頃此
二塘梁普通五年靈陵王記室參軍謝真威置隋日廢
武真二年本州刺史刘元超重脩復因以為名焉○北
謝山在縣東南三十里○荆溪澗四十步其溪上源在

縣東北丹陽縣界内石京城前过徒溪口入珥澗至丹
陽具五十里○官坊埭在縣西北去州一百三十六里
南去縣四里齊梁之代埭北下塘村有周郊刘師莘四
族並有官同居村坊于时共置此埭因以為名○袁宏
墓晉吏部丹陽太守袁宏墓在具西一十里○徐羨之
墓宋書云司空錄尚書徐羨之墓在具西南二十里周
祗墓晉書云國子博士周祗墓在具北七里○袁粲祖
墓梁書云中書舍人給事中王國侍郎袁粲祖墓在縣
西一十三里○潘闡之墓梁書云散騎侍郎巴陵太守
潘闡之墓在縣東二十五里焉○謝萬墓晉書云常山

太守謝薦墓在縣東二十六里

太平寰宇記卷第八十九

太平寰宇記卷第九十

江南東道二

昇州

昇州

今理江寧上元二縣

古揚州之域爾雅云江南曰揚州春秋時

為吳地戰國時越滅吳為越地後楚滅越其地又屬楚
初置金陵邑金陵圖經云昔楚威王見此有王氣因埋
金以鎮之故曰金陵秦并天下望氣者言江東有天子
氣乃鑿地脉斷連岡因改金陵為秣陵屬丹陽郡故丹
陽記云始皇鑿金陵方山其斷處為瀆則今淮水經城
中入大江是曰秦淮以秣陵屬鄣郡至漢元封二年改

鄣郡為丹陽郡楚漢之際江淮之間溧陽之北皆屬荆
賈英布漢初有天下猶為鄣郡地故丹陽圖云自句容
以西屬鄣郡以東屬會稽郡後寄理不定漢因秦制至
武帝初為揚州理于此元封二年始置十三州刺史領
天下諸郡此即為揚州揚州本在西州橋冶城之間是
其理處後漢如之劉繇為揚州刺史始移理曲阿孫策
号此為西州至建安十六年吳大帝自京口從此因改
為建業故吳志云權欲與都未定權長史張紘訪權曰
秣陵楚威王所置名為金陵地勢岡阜連石頭昔秦始
皇經此縣望氣者云地形有王者都邑之氣天之所命

宜為都邑後劉倫亦勸權都之權曰智者意同遂定議
都秣陵脩石頭城用貯軍實又蜀諸葛亮使于吳亮為
大帝曰鍾山龍盤石城虎踞真帝王所都也其後而魏
蜀鼎峙按建康圖經云西晉太康元年平吳分地為二
邑自淮水南為秣陵淮水北為建業其後因愍帝即位
避諱改為建康司馬貞操而劉嗣恭書曰黃旂紫蓋恒
見東南終能成天下之功者揚州之君子乎謂斗牛之
間恒有此氣西晉亂元帝自廣陵渡江此城荒落以府
第居縣北幕府山幕府之名自此而立尋以江寧為琅
邪國蓋襲帝始封之名在今廢江東界又雲溇江表

傳云按晉書蘧峻初平温嶠議遷都豫章三吳之豪請
都會稽二論紛紜未有所造揚州刺史司徒王導曰建
康古之金陵曰為帝里孫仲謀列在息但言王者之宅
人且時定帝從焉其所舍處異青兗之士奉鄭周韓之
人五方襍會各得其理即晉室之興也又輿地志云晉
故臺城即成帝時蘧峻作瓦焚燒宮室都居温嶠已下
咸議遷都唯王導固爭不許咸和六年使卞彬營治七
年遷於新宮議者或患未築及關後王導出宣陽門南
望牛頭山兩峰桀竪東西相向導曰此即天關也又以
渡江、外無事又於南浦置江寧縣至咸康七年分江

乘縣置臨沂山西北臨大江皆晉之初吳遺址也歷宋
齊梁陳六代咸為帝都按金陵記云梁都之城城中二
十八萬餘戶西至石頭城東至倪塘南至石子岡北過
蔣山東西南北各四十里自侯景反元帝都于江陵冠
蓋人物多南徙洎陳太祖復王于此中外人物不迫宋
齊之半隋平陳廢為江寧縣唐武德三年於縣置揚州
仍置東南道行臺六年輔公祏反七年賊平置平臺尚
書省改揚州為蔣州廢茅州來屬八年改行臺改蔣州
為揚州大都舊九年揚州移理江都改金陵縣為白下
縣貞觀元年改白下為江寧至貞二年置江寧即乾元

元年於江寧置昇州為江西節度使上元二年以謠言復為上元縣光啟三年復為昇州天祐十四年偽吳遣部將徐溫城之為金陵府偽唐改為江寧府曰之建都皇朝開寶八年十一月削平江表復為昇州

元領縣八

今五

江寧

上元

句容

溧水

溧陽

當塗

置太平州

蕪湖

入太平州

繁昌

入太平州

州境

東面二百三十五里

南北四百六十里

西至八到

西北至東京一千二百五十里

西北至西京一千七百里

正北至長安二千里

東至潤州一百八十里

西至江北和州烏江縣五十五里

北至江北揚州六合縣九十九里

東南至常州安吉且吳兩縣界三百五十里

南至宣州三百六十里

西南至太平州一百八十里

東北至潤州一百九十五里

西北至江北揚州宣化鎮四十里

戶

唐開元戶在潤州籍

皇朝戶主四萬四千一百九客一萬七千五百七十

風俗

與潤州同

人物

陶和景字通明丹陽秣陵人為齊王侍讀挂冠歸隱茅

山梁武即位有大事無不諮詢時人語之山中宰相

土產

禹貢篠簜既敷厥草惟夭厥木惟喬其利金錫水居干

石魚陂皆與千戶侯守不窺市井坐而待收

負 襍藥

紋綾

賦 絲

絹

紗

纈

江寧縣今二十里本秣陵之地屬鄣郡晉太康三年分淮

水北為建業水南為秣陵即其地晉元帝過江始置江

寧且南七十里故城存焉隋平陳廢丹陽郡併秣陵建

康同復三且入焉開皇十年移于右城唐武德六年又

移白馬改為白下且貞觀七年移還右城九年復為江

寧具至貞二年置昇州具名不改至上元二年以童謡
之言改為上元具光啟三年復為昇州後縣於鳳臺山
西南一里天祐十四年五月析上元之南十九鄉割當
塗之北二鄉徙置江寧具即上元具為理所東自太平
橋街北至淮水而上元分界今凡二十二鄉是為江寧
縣理。慈姥山括地志云山積石臨江岸壁峻絕山上
出竹堪為簫管舉府名為鼓吹山今并葦葦頭細不任
又輿地志云山南有慈姥神廟焉。三山在具西南十
七里週迴四里其山孤絕面東西絕大江按輿地志云
其山積石濠于大江有三峰南北接故曰三山舊為吳

津所鄭玄暉晚登三山還望京邑詩曰灞浹望長安河
陽視京具白日麗飛甍參差皆可見餘霞散成綺澄江
靜如練即此也。白都山在具西南八十里周迴五百
步西南面臨大江按輿地志云昔有白仲都于此山学
道白日昇天因以為名西臨大江孫峻追斬諸葛恪子
妹于此也。吉山在縣南五十里周迴二十里宋征虜
將軍吉翰葬在此山故以為名。鳳臺山在縣北一里
周迴連三井岡迤邐至死馬澗宋元嘉十六年有三鳥
翔集此山狀如孔雀文彩五色音聲諧和爭鳥羣集仍
置鳳凰山起臺于山名為鳳臺山。牛頭山在縣西南

四十里周迴四十七里按輿地志山有兩峰時人號為牛頭山晉氏過江將立双關王導去宣揚門南望牛頭山兩峰曰此即天關是也。○岩山在縣南四十五里其山巖險名曰炭山宋孝武帝改曰龍山葬宣貴妃殷氏于龍山武帝亦葬此。○梅嶺在縣南九里周迴六里輿地志云在關門之東晉豫章太守梅暉家于岡下故名之。○新石岡在縣南二十里有大碣石長二丈折為三段故以名岡即吳黃象書碣也。○石子岡在縣南十五里周迴二十里吳志建業南有長陵名曰石子岡葬者依焉。○梁山宋武帝西下梁山過烏江有双鳳翔于

蓋群臣咸呼為歲乃立双關于梁山。○三井岡縣南五里汲一井則餘井俱動故名三井岡。○大江按尚書禹貢岷山導江即此山也始吳臨江建閘謂得天險之固及晉元帝南徙遂定都焉今從縣西二百二十里承當奎貝分黃浦上田為界紆迴曲屈二百九十三里與和州烏江及揚州六合並多中流為界西引蜀漢南下交廣東會滄海北連淮泗自大禹之源無不通矣。○淮水北去縣一里源從宣州東南溧水縣烏利橋西流八百五十里輿地志云秦始皇心會稽鑿浙山阜此淮即所鑿也亦名秦淮孫盛晉春秋云是秦所鑿王導令鄣璞

筮即此淮也。又稱未至方山有直流行三十里許。以地形論之，淮於源結屈不類人功，則始皇所掘宜此流也。丹陽記云：建康有淮源入華山，流入江。徐爰釋問云：淮水由北貫都，都輿地志：淮水發源於華山，在丹陽湖。始熟之界，西北出經建康，秣陵二縣之間，帶紆京邑之內。至于石頭入江，綿亘三百許里。杜牧秦淮詩云：烟籠寒水月籠沙，夜泊秦淮酒家高。女不知亡國恨，隔江猶唱後庭花。○落馬澗在縣東南五里，水下秦淮，宋武陵王討元凶劼斬劼餘軍，赴澗而死，水為之溢，因名焉。○婁湖在縣東南十里，淮田二十餘頃，水入艦澳，通秦淮。

輿地志云：姜侯張昭所創，因名之，宋以為苑。○高亭湖在縣東南三十里，周迴二十里。丹陽記云：王仲祖墓東南十六里有高亭湖，周迴三十餘里。○葛塘湖在縣東南七十里，周迴七里。葛公在此得仙，故以為名。○陽刊湖在縣東南六十里，周迴三十里。其湖建元都，陳在陽刊村前，故名之。○三城湖在縣南五十里，周迴四十里，中有三土城，故以名之。○板橋浦在縣南四十里，五尺源出觀山，三十七里，注大江。晉代吳將張悌死于板橋，即此。○謝玄暉之宣城出新林浦，向板橋，詩云：江路西南永，歸流東北驚。天際識歸舟，雲中辨江樹。○大奉浦

在縣西十二里可溉田吳大帝時將討關羽平南將軍
吳範屯大桑即此處也在蔡州通大馬○烈州在具西
南八十里周迴六十里輿地志其曰津所內有小水堪
泊舡高客多停以避烈風故以名焉王濬代吳宿于此
簡文為相時舍桓立于此亦曰溧洲、上有山、形如
粟伏滔北征賦詔之烈洲○蔡洲在縣西十二里周迴
五十五里丹陽記云吳時容敏在蔡洲上以舍遠後蘓
峻作逆陶侃等率所統同赴京師直指石頭次于蔡洲
○張公洲在縣南四里周迴三里按學書太清二年豫
州刺史裴高之等舟師二萬次張公洲二年陳霸先擊

破侯子監師至張公洲並此批○加子洲在縣西十三
里周迴十二里按三十國春秋晉咸和二年温嶠與陶
侃起兵伐蘓峻率師四萬直指石頭侃泊加子洲即此
處夏月堪泊舡冬月淺涸永昌之初其洲忽一日崩陷
數里其形曲折凡作九灣行者所依○長命洲在具西
四里周迴十五里輿地志云梁武帝遣人放生于此洲
仍置十戶在洲中掌穀粟以飼之故呼為長命洲魏使
李愨來朝帝正放生謂愨曰北主頗知此乎愨對曰未
聞不取亦不放帝無以應之○白鷺洲在具西三里隔
江中心南邊新林浦白鷺洲在大江中多聚白鷺因名

之。○故秣陵具城在具南五十五里秣陵橋東北。○故
江寧縣城在具南七十里。輿地志云晉永嘉中帝初通
江南以江外無事寧靜于此因置江寧具南門臨浦水
至今呼江寧晉書云元帝出師檄四方以有玉冊見臨
安白玉麒麟神筆出江寧其文曰長壽萬年日有重暈
皆以為中興之象唐貞觀七年移來此置具上元元年
又改為上元縣理。○古檀城在金華橋東晉謝安石圍
碁賭得別墅乞與外甥羊曇即此也宋屬檀道濟緣以
為名

上元縣

二
十
四
鄉

晉江寧縣地唐貞觀七年移還舊部即今所

置具也至九年改為江寧具安祿山亂肅宗以金陵自
古雄據之地時遭琅玕不可縣統之因置昇州仍如節
制實資鎮撫時人銀契力維具造因舊縣字以為州城
祿山平后復廢州依旧為縣上元元年改為上元縣隸
潤州光啟三年復為昇州領上元一具元治夙臺山西
南今移在偽司會府。○艦澳梁武帝所開今在光宅寺
東二百五十步其寺即武帝舊宅每從城歸宅儀仗舟
車駢載溢路開以葺舡其澳兩岸隈曲一十有一砌石
為之至今不毀其水原出自委湖下達秦淮紆迴五里
○雞籠山在縣西北九里連龍山西接落星岡北臨栖

玄塘輿地志云其山狀如雞籠以為名晉元帝等五陵
並在山之陽○蔣山在具東北十五里周廻六十里而
南徇東連青龍鷹門等山西臨青溪絕山南面有鍾浦
水流下入秦淮北連雉亭山按輿地志云蔣山古曰金
陵山縣之名因此山立漢輿地圖云鍾山吳大帝時有
蔣子文祭神彥于此封子文謂蔣侯改曰蔣山徐爰釋
問云諸葛亮以為鍾山危盤又庚闡陽却賦名司馬德
操與劉恭嗣書曰黃旂紫蓋恒見東南終能成天下之
功者揚州之君子乎詎斗牛之間恒有此祥氣丹陽記
云出建揚門望鍾山似出上東門望首陽山也其山本

火林木東晉時使諸州刺史罷職還者栽松三十株下
至郡守各有差焉自梁以前山立寺十七所即見在者
一十三晉尚書謝尚奔中書侍郎周顒宋應梁阮孝緒
刘孝標等並隱居此山丹陽記曰京師南北並連崩而
蔣山蒼莨巖峻有異其形象危寔作揚州之鎮○吳大
帝陵在具東北蔣山南八里按丹陽記蔣陵因山為名
輿地志云臺当孫陵曲折之傍故曰蔣陵亭亦名孫陵
亭○宋高祖陵在縣東北一十里○晉中宗陵在具東
一十里○宋蔣陵在縣東北蔣山下二十里○土山在
縣南三十里按丹陽記晉太傅謝安曰隱舍稽東山因

築像之無岩石此謂土山也有林木臺觀娛遊之所安
就帝請朝中吳士子姓親屬會宴土山梁蕭正德各脩
築以為莊下有湖水按吳志大將軍孫林以兵迎景帝
于羊野畔于道側即此山也。方山在縣東南五十里
周迴二十里高一百一十六丈其山四面皆方孤絕與
地云姑熟西北有方山山頂方正上有池水奔武帝于
方山築院吳大帝為仙者葛玄立觀焉山謙之丹陽記
秦始皇鑿金陵此山是其折者山形聳故名方山謝
靈運東出隣里相送至方山賦詩齊書徐孝嗣從武帝
幸方山欲于此山后起高宮孝嗣答曰統黃山款牛首

乃盛漢之事今江南未曠民亦勞止上乃止。四望山
在縣西北十五里高十七丈西臨大江南連石頭北接
靈龜山按徐州記臨江有四望山吳大帝嘗與仙者葛
玄共登陟之吳志孫皓教司市中即將陳声投于四望
之下其山廂可望四方以為名。靈龜山在縣西北二
十里周迴五里西臨大江按旧經晉元帝初渡江此尽
為敎甯所有以其山連石頭為固開塞以靈龜為名。
幕府山陳武帝殺北齊軍四十六萬于此山下。落星
山在縣東北三十五里周迴六里東接臨沂山西接攝
山北臨大江南徐州記臨沂县前有落星山吳大帝时

山西江山置三層高樓以此為名吳主遊獵憩息地吳
都賦云饗戎旅于落星之樓右又有桂林院與樓即其
所也王僧辯幸陳霸先寺于石頭城連營立柵于落星
山賊大恐○揖山在縣東北五十五里高一百三十二
丈東連西石山南接落星山輿地志云江乘具西北有
扈謙所居宅村側有攝山山多草華可以攝生故以名
之江乘地記扈村有揖山形方四面重嶺似繖故名繖
山○湯山在縣東北八十里西接雲穴山不甚高無大
林木有湯出其下大小凡六處湯澗繞其東南冬夏常
熱禽魚之類入者輒爛以煮豆穀終日不熟草木濯之

轉更鮮茂旧有湯泉鉢并廟在其南今廢○清溪在縣
北六里澗五尺深八尺以洩玄武湖水南入秦淮按宋
都記云曷族多居其側輿地志云水源北出于鍾山舊
經巴南九里入于淮溪口其隸側有清溪祠其溪因祠
為名又云按水為言故名清溪俗說云却僧住溪中泛
舟一曲輒作詩一篇謝孟壽曰青溪中曲復何窮盡○
玄武湖在縣西北七里周迴四十里東西兩派下水入
秦淮春夏深七尺秋冬四尺灌田一百頃徐爰釋問云
湖本桑泊晉元帝太和中創為北湖宋築堤南抵西塘
以肄舟師也又京都記云從北湖望鍾山似宮亭湖望

庠岳也按宋元嘉二十三年築堤以堰水為池輿地志云齊武帝埋水軍于此池中号曰昆明池故沈約登覆舟山詩云南瞻儲奇館北眺昆明池即此其湖通石苑又於湖側作大臺引湖水入宮城内天泉池中經歷宮殿紫流迴轉不舍晝夜宋元嘉末有黑龙見湖内故改為玄武湖也。迎擔湖在具西北八里周迴五里其水物下不通江河南徐州記云具西五里有迎擔湖昔晉永嘉中帝迁衣冠席卷過江客主相迎湖側遂以迎擔為名。馬昂州在具西北三十三里周迴十五里南徐州記云臨沂西入江北三里有馬昂州晉帝渡江牧馬

于其所故名之。舟子洲在縣西五里周迴七里輿地志云梁天監十三年以朱雀門東西淮水紆曲教有患又舟行旋衝太庙灣乃直通之中央為舟子洲四方諸郡秀才上計所憩止于此。故丹陽郡城在具東南四里輿地志云丹陽郡本吳地楚漢之際江淮之間溧陽以北皆屬荆賈英布吳王濞江都易王非並有其地元封二年以為丹陽郡領宛陵於潛江乘春谷秣陵故鄣句容涇石城湖熟陵陽蕪湖黟溧陽宣城歙具丹陽凡一十七县理于宛陵。西浦郡國志云金陵西浦亦云項口即張碩捕魚遇杜蘭香處。建康具城在具西一

里吳大帝自京口迂秣陵改建業晉避愍帝歸改名建
康元帝止都焉初具理本在宣陽門內蘓峻之亂被焚
移入苑城既為臺城乃徙金都鄉朱雀里又曰大亭里
蓋晉元帝初過江為琅邪國人所立懷寔縣地又樂錄
曰吳王夫差移教于建康之南門有双鷺從教中飛出
或云鷺者鼓之精。琅邪城在縣東北六十里王隱晉
書云江東南岸蒲洲津有城即琅邪城。東府城在具
東二里輿地志云晉安帝義熙十年築其城西本簡文
帝為會稽王時第其東則丞相會稽文孝王道子府謝
安石薨以道子代領揚州第在州東故時人号為東府

而号府廡西州又按丹陽記云揚州廡乃王敦所創門
東南西三門俗語之西州永嘉初罷揚州繕為未央宮
陳初又脩為揚州廡。故費县城在縣西北九里南徐
州記在建康北二里即懷寔縣寄建康北境又置琅邪
郡割湖溝為界陳亡廢。臨沂县城在具西北三十里
在臨沂山西北臨大江輿地志云晉成帝咸康七年分
江東具立臨沂具屬琅邪郡又云本南徐州之屬晉則
諸葛恢宋則蒯羨梁則孟智周明僧紹之子仲璋傳彞
並為臨沂令以後無聞晉太保王道群宗並其縣人陳
亡廢。古揚州城今江寧縣城在其西偏城東至西州

橋西至冶城周迴三里後漢因之不改即此城也。○古丹陽郡城在今長樂橋東一里南臨大路北地園一項關東北三里至城本屬秦之鄣郡前漢武帝元封二年改鄣郡置丹陽郡今此城即晉武帝太康元年築也宋梁齊陳因之不改焉。○古建康具初置在宣陽門內晉咸和三年蕪峻作亂燒尽遂移入苑城咸和六年以苑城為宮乃徙去宣陽門外御街西今建初寺門路東是時有七尉部江尉在三生渚西尉在延興寺後巷北東尉在吳大帝陵口今蔣山西門南尉在草寺北湖宮寺前北尉在朝溝村左尉在青溪孤首橋右尉在沙市。

石頭城楚威王滅越置金陵邑即此城也後漢建安十七年吳大帝乃加脩理改名石頭城用貯軍器器械諸葛亮曾使建業詔大帝曰鍾山危盤石城帛踞即此也。○南最高處有吳峰大樓城東有大石俗呼為唐岳即王敦害周伯仁戴若思處百姓寃之乃記其石焉宋廢帝景和初脩繕為長樂宮隋平陳後用為蔣州城輔公祏掘江東用為揚州趙郡王孝恭平公祏又于城置揚州大都督府後徙揚州于廣陵此城遂廢。○廢琅邪郡城本晉元帝初過江為琅邪國人在地任江乘具界齊武帝永明六年移琅邪于白下置本名白石壘在具西

北十八里存畢譚武于此。○宣武城在具西北九里。○
地志云宋大明三年沈慶之所築初孝武帝欲北伐問
慶之須兵幾何慶之曰二十萬帝疑其多對曰攻守百
倍帝乃令慶之守此城帝自率六軍攻不能下乃止不
討又曰宋立宣武為城名帝閱武于其地亦詔為武帳
密陳亡廢。○同夏故城在具東十五里。○地志云梁大
通三年分建康之同夏里置同夏縣陳平毀之。○故白
下縣城在縣西北十四里。○地志云本江乘具白石壘
存武帝以白下地依帶江山移琅邪郡居之陳亡廢唐
武貞元年罷金陵具築城于此因其旧名真現十七年

又移還舊鄣其城乃廢。○輔公祐城在縣東七里。○地
志云存文惠太子之第也。唐武貞七年輔公祐築以為
城趙郡王李承平之其城遂廢。○故趙城在具西南七
里。○地志云東甌越王所立也。即周元王四年趙相范
義所築今瓦閤官門東南門。國橋西北。又曹氏記云在秣陵
一十五里。昔勾踐平吳後遺兵伐之仍築此城去舊建
康宮八里。晉初移丹陽郡自蕪湖還城之南。○古冶城
在今具西五里。本吳鑄冶之地。因以為名。晉元帝太興
初以王導疾久方士戴洋云君本命在申、地有冶金
火相燥遂使范遜移冶于石城東。○龍麟山。以其地為

園多植林館徐廣晉記成帝造司徒府遊观台城之園
即此也謂之西園○東田齊文惠太子立樓殿于鍾山
下号曰東田太子好與府屬遊幸東田反語為餽童謝
玄暉遊東田詩云魚戲新荷動鳥散餘花落不對芳春
酒还望青山部即此也○烏衣巷晉代王氏居烏衣巷
者位望微疾多居憲臺江左膏梁名士多不樂為王僧
即為中丞王球語曰汝為此官不復成膏梁矣○下望
之墓十壺字望之安帝又熙十八年盜開十壺墓剖棺
掠之屍殭頭髮蒼白面貌如生面手拳瓜甲出達于手
背刺^初給錢十萬重脩營之按冢在紫極宮後臨嶺溝亭

魏曰忠真亭○蔣廟按金陵園云鍾山故金陵山也後
漢末蔣子文為秣陵尉逐盜鍾山北傷額而死常自謂
青骨死當為神至吳大帝卜都子文乘白馬襟頭執白
羽扇見形故史令白吳主為主廟不爾當百姓大疫大
帝猶未信又翊日見於路曰當令飛出入人耳後如其
言帝乃立廟鍾山封子文為蔣侯改鍾山為蔣山即此
也又梁書云武帝時旱甚詔於蔣帝神求雨十旬不降
帝怒命載荻焚廟并其神影爾日開朗將欲起火當神
上忽有雲如織蓋須臾驟雨臺中宮殿皆自震動帝懼
馳詔追停少時還靜自此帝誠信遂深自踐祚來未曾

到廟帝於自備法駕將朝臣修謁時魏將楊大眼來寇
鍾離蔣帝神報必許扶助既而無雨水暴漲六七尺遂
大尅魏軍神之力也凱旋之後廟中人馬足皆有泥濕
當時並日覩焉○大初宮方五百丈本吳長沙桓王孫
策故府也大帝自京口遷建業之居黃龍元年還都建
業因居故府不改○郭文舉墓在冶城內晉太尉王茂
冲所築文舉居之○臨滄觀在勞勞山山上有亭七間
名曰新亭吳所築宋改為新亭中間名臨滄觀晉周顛
與王導等當春日登之會晏顛曰風景不殊舉目有江
山之異即此也謂之勞城古送別所○樂遊苑在覆舟

山南北連山築臺觀苑內起正陽林光寺殿按陳書云
樂遊苑陳宣帝即位北齊使常侍李駮來聘賜晏樂遊
苑尚書令江提贈詩云上林開早霧留連○即此

也○桂林苑吳立在縣北四十里落星山之陽吳都賦
云教軍實於桂林之苑即此也○芳林苑一名桃花苑
本齊高帝舊宅在廢東府城東邊秦淮大路北齊王融
作曲水詩序去載懷平浦乃曠芳林即此也

溧水縣東南一百二十里舊二鄉今一十五鄉本漢溧陽縣之地隋平陳

置屬蔣州大業三年屬丹陽郡唐武德九年移揚州於
江都以縣屬宣州○中山又名獨山在縣東南十里不

與群山連接古老相傳中山有白兔世稱為筆最精山
前有水源號為獨水按輿地志云宣州溧水縣有獨山
下有獨水流演不息即此山也。廬山在縣東二十里
山譙之丹陽記云溧陽縣西八十里有廬山與丹陽分
嶺俗傳嚴子陵結廬於此或云山形似廬舍因以為名
有水源三派并入秦淮合大江。廬船山一名感泉山
在縣南一十二里山有青絲洞泉脉泓澄四時不絕。
丹陽在縣西南一半與當塗縣丹陽湖相並。石臼湖
在縣西南三十里西建丹陽湖岸廣一百六十餘里北
枕橫山連臨廩西丘黃三山又有軍山塔子馬頭雀壘

四山並在湖中。古固城按滕公廟記云其城是吳濼
諸縣地楚靈王與吳戰遂陷此城吳移濼諸於溧陽十
里改陵平縣靈王崩平王立使蘇迺為將戰於吳吳軍
敗收吳陵平縣改為陵平縣自平王聽費無極讒言伍
員奔吳闔閭用為將舉軍破越楚奔南海固城宮殿逾
日煙炎不滅其城從茲廢矣城廣二千七百五十步。
古開元城去縣九十里在故城東即溧水舊縣。楚平
王祠即吳越春秋為平王都於固城是也因有祠焉。
左伯桃墓在縣南儀鳳鄉昔與羊角哀友善葬於此大
曆六年顏真卿經此墓題詩於蒲塘客館

溧陽縣

東南二百四十里舊三十鄉今十七鄉

本漢舊縣屬丹陽郡在溧水

之陽記云楚漢之際江淮間為東陽郡而東陽屬焉後

又屬江都國唐武德九年移揚州於江都改屬宣州自

乾元元年又隸昇州寶應元年又屬宣州天祐二年隸

潤州其縣元在溧水縣東南九十里天復四年移於此

即今理○平陵山在縣北三十五里昔李闓追韓滉於

山下斬之有子胥祠存○三鶴山在縣東南六十里昔

有潘氏兄弟三人於此山求仙後道成化為三白鶴於

此冲天○山山在縣東北二十五里常潤等州分界於

此山頭地理志云昔有山母得道此山後為名○青山

在縣南六十里上有潘真君祠○溧水西自溧水縣界

流入吳越春秋云伍子胥奔吳至溧陽女子擊縹瀨水

之上子胥過而乞一食女子發簞飯壺漿而食之子胥

食而去謂女子曰掩子壺漿勿令其露女子曰行矣子

胥行五步還顧女子已自投瀨江而死子胥伐楚師還

過溧陽瀨上欲報以百金不知其家乃投金瀨水而去

後有姬行哭而來曰吾女三十不嫁擊縹於此遇窮人

飯之恐事洩投水而死乃取金歸之今水際有碑即李

白文其名曰春風三十花落無言云云

句容縣

東一百里舊三十鄉今一十七鄉

本漢縣地志屬丹陽郡以界內

茅山本名勾曲山其形如勾字因立縣名漢書云武帝時封長沙定王子黨為句容侯國除後為縣宋又於此立南徐州後南徐州復移理丹徒唐武德四年於縣置茅州七年廢茅州以句容屬蔣州九年改屬潤州。華山梁書云武帝輿駕東行至此山因問華山何如蔣山高薛泰答云華山高九里似與蔣山等泉水倍多也。茅山在縣南五十里本勾曲山其山形如勾字三曲晉茅山君得道於此山後人遂名為茅山其山接句容金壇延齡三縣界。竹里山行者以其途傾號為翻車峴鮑昭有曰翻車峴詩。經巖山。葛經云在絳岩湖側山

上有龍坑祠即湖神也本名赤山丹陽之義出於此天寶初改為絳岩山。花碌山在縣北五十里有古跡取礬坑存。江乘城秦舊縣也。舊仙公墓在縣西南一里見有碑碣松逕。郡國志云勾曲有葛洪冢是也。蓋仙翁之宗族也。梁南康簡王墓在縣西北二十五里按王名纘武帝弟。晉葛平西墓平西將軍葛府君墓在今縣西七里土岡山上有碑闕存。晉護軍長史許真人墓在縣西北一里高四尺。華陽洞去縣四十里。金壇大洞天在西門太平觀東有唐玄宗改上清經錄碑一片。

太平寰宇記卷第九十

校勘

昇州

江寧縣 提序

晉元帝過江始置江寧縣

按晉書地理志宋書州郡志皆太康初分秣陵

立江寧縣今記云元帝渡江始置未知抑何書

唐武德六年又移白下改為白下縣

按新舊唐書地理志武德三年改江寧曰歸化

八年改歸化曰金陵九年改金陵曰白下今記

畧之故與州序不相應又舊唐志移治白下故

城改為白下县皆在武夏九年今云六年恐誤

